

## PRESS INFO

### PRODUK KEBERSIHAN *HAND SANITIZER* MELEBIHI HAD KESELAMATAN

Kementerian Kesihatan ingin memaklumkan kepada orang ramai supaya tidak menggunakan **lapan belas (18)** produk kebersihan *hand sanitizer* berikutan maklumat yang diterima melalui sistem Post Market Alert System (PMAS) daripada Pihak Berkuasa Negara Singapura yang mana telah mendapati bahawa produk-produk tersebut mengandungi bahan kimia yang tidak diisytiharkan dan melebihi had keselamatan.

Produk kebersihan *hand sanitizer* yang berkenaan adalah seperti berikut:

Bil.	Nama produk	Pengilang	Nombor bac
1.	Asepto™ Professional Hand Sanitiser (60ml)	Tidak terpapar di atas label	B42M
2.	Cuticura Hand Sanitizer (50ml)	Dikilang untuk Pro Anchor Sdn Bhd Malaysia	Semua bac
3.	Epi KleenGel Hand Sanitizer Gel (500ml)	Dan Mor Natural Products & Chemicals Ltd 29 Ha'ilan st. PO. Box 267, Or-Akiva, Industrial Zone, 2060000, Israel	Semua bac
4.	Guardian Lavender & Passion Flower Antibacterial Hand Sanitiser (250ml)	Malaysia	982KDF
5.	Guardian Aloe & Korean - Mint Antibacterial Hand Sanitiser (50ml)	Malaysia	0D32DF
6.	Kundal Fresh Water Hand Sanitizer+ (500ml)	Tidak terpapar di atas label	BN227
7.	Sanitelle® Instant Hand Sanitizer Antiseptic Gel Kids (60ml)	Tidak terpapar di atas label	Semua bac
8.	Cath Kidston® Moisturising Hand Sanitiser (15ml)	Republik Cina	Semua bac
9.	红月亮® Redmoon 抑菌免水净手凝胶 Bacteriostat Wash Free Hand Wash Gel (60ml)	广州洁宜日化用品有限公司, 广东广州, China	Semua bac
10.	We <sup>11</sup> Daily Instant Hand Sanitiser (60ml)	Malaysia	Semua bac
11.	Cool Day's Peppermint Instant Hand Sanitizer (70ml)	Republik Cina	Semua bac

Bil.	Nama produk	Pengilang	Nombor bac
12.	Walch® Instant Hand Sanitizer (250ml)	Tidak terpapar di atas label	TG01
13.	TP 706 Hand Sanitiser (500 ml)	Malaysia	Semua bac
14.	Lifebuoy Instant Hand Sanitizer (50ml)	Dikilang untuk Unilever (Malaysia) Holdings Sdn. Bhd	OD13UL
15.	FairPrice Hand Sanitiser Lavender (60ml)	Malaysia	01251-001
16.	Germ-X® Advanced Hand Sanitizer Original Scent (354ml)	Amerika Syarikat	Semua bac
17.	Sanigen Gel Hand Refreshing Gel (600ml)	Worldchem Korea	Semua bac
18	Yuri® Hand Gel Green Tea Extract (175ml)	PT. Joenoes Ikamulya, Jakarta, Indonesia	Semua bac

Bahan kimia yang tidak diisytiharkan dalam produk berkenaan iaitu Acetaldehyde dan Methanol boleh mengakibatkan kesan-kesan mudarat yang membahayakan kesihatan sekiranya tidak dipantau dan digunakan dengan betul.

**Acetaldehyde** adalah sejenis bahan kimia yang digunakan dalam pelbagai jenis industri. Pendedahan kepada *Acetaldehyde* boleh berlaku apabila ianya dimakan/diminum, dihidu, dan juga melalui penyerapan kulit. Acetaldehyde dikategorikan sebagai bahan karsinogenik dan juga mutagenik.

**Methanol** adalah sejenis bahan kimia yang digunakan dalam industri farmaseutikal sebagai cecair, sebagai agen *denaturant Ethanol*, pembuatan *Formaldehyde* dan sebagai pelarut dalam industri pembinaan seperti cat, varnis dan sebagainya. Pendedahan kepada *Methanol* boleh berlaku apabila ianya dimakan/diminum, dihidu, dan juga melalui penyerapan kulit. Apabila seseorang terdedah kepada methanol, kebanyakannya akan bertukar kepada *Formaldehyde*, dan seterusnya bertukar kepada asid formik di organ hati manusia. Asid formik boleh menyebabkan kerosakan kepada otak dan saraf optik serta memudaratkan penglihatan. Tanda-tanda keracunan *Methanol* ialah, kesesakan nafas, mual-mual dan muntah, gangguan penglihatan atau kehilangan penglihatan.

Berikutan hasil dapatan ini, produk-produk tersenarai di atas adalah dilarang untuk diimport dan dijual di Negara Brunei Darussalam.

Orang ramai yang telah membeli atau menggunakan produk-produk tersebut adalah dinasihatkan untuk memberhentikan penggunaannya dengan serta merta. Jika mereka mengalami kesan advers dan merasa tidak sihat selepas menggunakan produk-produk berkenaan, hendaklah berjumpa doktor

dengan segera. Orang ramai juga adalah dinasihatkan untuk mengamalkan mencuci tangan secara kerap dengan menggunakan air dan sabun sekurang-kurangnya selama 20 saat. Apabila menggunakan produk kebersihan hand *sanitizer*, orang ramai adalah disarankan untuk mencuci tangan sebaik sahaja mendapat akses kepada air dan sabun. Jauhkan produk kebersihan *hand sanitizer* dan *disinfectant* dari kanak-kanak dan elakkan penggunaan tanpa pengawasan bagi kanak-kanak. Sentiasa mematuhi arahan yang tertera pada label produk tersebut.

Adalah diingatkan bahawa penjualan produk-produk tersebut (termasuklah secara online seperti facebook dan sebagainya) adalah menjadi satu kesalahan di bawah Peraturan Ubat, 2007 dan/atau Peraturan Ubat (Produk Kosmetik), 2007 dan/atau Akta Racun, 1956 untuk mengimpot dan memasarkan produk kebersihan *hand sanitizer* dan *disinfectant* tanpa kebenaran daripada Kementerian Kesihatan Jika didapati bersalah boleh didenda tidak melebihi \$5,000 penjara tidak melebihi dua tahun atau kedua-duanya sekali.

Kementerian Kesihatan juga ingin memohon kerjasama dari orang ramai untuk melaporkan kepada Bahagian Komplians dan Perlesenan jika mendapati produk-produk berkenaan masih dipasarkan di negara ini. Kementerian Kesihatan akan terus membuat pemantauan ke atas produk kebersihan *hand sanitizer* dan *disinfectant* yang berada di pasaran untuk memastikan keselamatan produk-produk tersebut.

Untuk maklumat lanjut dan perhubungan lanjut, orang ramai boleh menghubungi Bahagian Komplians dan Perlesenan melalui talian telefon 2393298 sambungan 208; menghantar e-mel kepada [pharmacy.enforcement@moh.gov.bn](mailto:pharmacy.enforcement@moh.gov.bn); berjumpa terus Pegawai Komplians dan Perlesenan di Tingkat 1, Bangunan Jabatan Perkhidmatan Farmasi, Kg Madaras, Mukim Gadong A; atau hubungi Talian Darussalam 123.

**Jabatan Perkhidmatan Farmasi**  
**Kementerian Kesihatan**  
**Negara Brunei Darussalam**

Rujukan : KK/PR/2  
Tarikh : 24 Safar 1433 / 1 October 2021